

四庫全書

史部

欽定四庫全書

禮部志稿卷十二

明 俞汝楫 編

儀制司職掌

冊立

皇太子冊立儀

東宮冊立儀 累朝微有同異其尤異者洪武永樂命至殿上受冊寶宣德嘉靖則命使持節至文

華殿授皇太子具列於後

洪武初定 冊立頒詔前一日內使監官陳御座香案  
於奉天殿如常儀尚寶司設寶案於御座前儀司設詔  
書案於寶案之前冊案寶案於殿中冊案在東寶案在  
西冊寶亭一座於丹陛之東皇太子拜位於丹陛上及  
御座前俱北向授冊寶官位於殿上皇太子拜位之東  
西向讀冊寶官位於授冊寶官之北西向捧進冊寶官  
位於讀冊寶官之南西向受冊寶內使二人位於殿上

皇太子拜位之西昇冊寶亭內官八人位於丹陛冊寶  
亭之東設承制官承制位於殿內之西宣制位於殿門  
外東北捧詔官位於殿內之東內贊二人位於殿內皇  
太子拜位之北贊禮二人位於丹陛上之南知班二人  
位於丹墀中文武官侍立位之南糾儀御史二人位於  
知班之北俱東西相向文武百官齊班位於午門外之  
東西北上文武侍立位於文樓之北西向武官侍立位  
於武樓之北東向使臣僧道耆老侍立位於文官侍立

位之南俱西向殿前班指揮司官三人位於丹陛之西  
東向宣徽院官三人位於丹陛之東西向侍從班起居  
注給事中殿中侍御史侍儀使尚寶卿侍立位於殿上  
之東侍從班武官指揮使侍立位於殿上之西拱衛司  
官二人侍立位於殿中門之左右典牧官二人位於仗  
馬之南宿衛鎮撫二人位於丹墀階前護衛百戶二十  
四人位於宿衛鎮撫之南稍後護衛千戶八人位於殿  
東西門之左右將軍二人位於殿上簾前將軍四人位

於丹陛之四隅將軍六人位於奉天殿門之左右將軍六人位於奉天門之左右俱東西相向鳴鞭四人位於丹陛之南北向引文武官舍人四人位於文武官侍立位之北稍後東西相向引使臣僧道者老舍人二人位於引文武官舍人之下禮部官同內使監官安奉詔書於殿內案上及於冊寶亭中匣蓋內取冊寶置於殿內冊寶案上冊在前寶在後內使昇冊寶亭就位禮部官以付內使監官守護其日清晨鼓初嚴金吾衛陳甲士

於午門外之東西旗仗於奉天門外之東西拱衛司陳儀仗於丹陛之東西及丹墀之東西陳車輶於文武樓之南典牧官陳仗馬於車輶之南虎豹於奉天門外和聲郎入陳樂於丹墀之南所司備鼓樂儀衛備儀仗於奉天門外俟候迎送冊寶至東宮文武百官各具朝服執事者各入就位鼓吹嚴百官齊班於午門外尚寶卿侍從侍衛官各服其器服俱詣謹身殿奉迎鼓三嚴侍儀奏中嚴御用監官奏請上御謹身殿具充冕啟請皇

太子於奉天門具冕服引班引百官使臣僧道耆老等俱入侍立位侍儀奏外辦上御輿以出尚寶卿捧寶及侍儀導從警蹕如常儀仗動大樂鼓吹振作陞座樂止將軍捲簾尚寶卿以寶於案鳴鞭報時訖引進四人引皇太子入奉天東門樂作陞自東階繇東門入引進立候於門外內贊接引至丹陛拜位引禮分立於左右樂止捧受冊寶內使繇西階陞俱入就丹陛立位知班於丹墀中唱班齊贊禮於丹陸上唱鞠躬樂作皇太子再

拜興平身樂止內贊唱承制官稍前承制官前立於殿西內贊唱跪承制官跪承制訖繇殿中門出立於門外稱有制贊禮唱跪皇太子跪宣制云冊長子某為皇太子宣畢贊禮唱俯伏興平身承制官繇殿西門入跪於殿西云傳制畢復位贊禮贊鞠躬樂作皇太子鞠躬再拜興平身樂止贊禮贊行冊禮引禮引皇太子繇殿東門入樂作引禮立於門外內贊接引至御座前拜位樂止內贊唱跪皇太子跪唱受冊寶捧冊寶官於案前跪

捧冊授讀冊寶官內贊唱讀冊讀冊寶官跪讀冊訖以冊授丞相丞相搢笏受冊內贊唱搢圭皇太子搢圭唱受冊丞相以冊跪授于皇太子捧受冊寶內使跪于皇太子西捧冊興立于皇太子西捧冊寶官又于案前跪捧寶授讀冊寶官內贊唱讀寶讀冊寶官跪讀寶訖以寶授丞相丞相受寶跪授于皇太子捧授冊寶內使跪于皇太子西捧寶興立于捧冊內使之下內贊唱出圭皇太子出圭唱俯伏興平身皇太子俯伏興平身唱復

位引皇太子出樂作內使捧冊寶前導出至殿東門外  
引禮引皇太子復位樂止內使以冊寶置于冊寶亭盡  
匣中退立于丹陛之東贊禮唱鞠躬拜樂作皇太子四  
拜興平身樂止內使昇冊寶亭前行引禮導皇太子繇  
東階降樂作出奉天門樂止引禮引皇太子詣東耳房  
伺候于中殿行禮內使昇冊寶亭東門出至西道儀仗  
鼓吹前迎百官迎送至東宮安奉冊寶于殿內初皇太  
子降階禮部尚書跪奏用寶詣案捧詔書尚寶卿用寶

以詔書置于案禮部尚書于殿西跪奏云捧詔赴午門  
開讀興奉詔官捧詔繇中門出樂作階自中階引禮引  
文武官迎詔書出奉天門樂止開讀于午門外訖百官  
迎詔至中書省頒行執事入報侍儀奏禮畢鳴鞭上興  
樂作速還宮樂止皇太子朝謝中宮受冊之日內使監  
官陳設皇后御座于中宮殿上皇太子拜位于殿庭正  
中及御座前內贊二人位于殿上拜位之東西司贊二  
人位于丹墀拜位之東西陳設儀仗于殿庭之東西擎

執于殿上之左右樂工陳樂于殿庭之南皇太子于奉  
天殿受冊畢司賓引皇太子具冕服至中宮外門東向  
立內使監官啟聞皇后首飾禕衣出殿樂作陞御座樂  
止司賓引皇太子繇東階陞樂作就丹墀拜位樂止司  
賓分立于前司贊唱鞠躬拜樂作皇太子四拜興平身  
樂止司賓引皇太子繇殿東門入樂作至殿上拜位樂  
止內贊唱跪皇太子恭謝曰小子某茲受冊命謹詣母  
后殿下恭謝畢內贊唱俯伏興皇太子俯伏興平身

司賓引皇太子繇殿東門出樂作復位樂止司贊唱鞠躬拜樂作皇太子四拜樂止司賓唱禮畢內使監官啟禮畢皇后興樂作還宮樂止內官引皇太子出

諸王賀東宮 皇太子受冊之日內使監官設皇太子座于東宮侍儀司設諸王拜位于殿庭階上及殿上正中贊禮二人位于殿庭王拜位之東西內贊二人位于殿內王拜位之東西文武官侍立位于殿庭之東西將軍六人位于殿門之左右拱衛司設儀仗于殿庭之左

右樂工設樂于宮門之外伺皇太子于中宮行禮畢引  
禮引諸王便服至東宮門外西向立引禮引皇太子便  
服出宮樂作陞殿樂止引禮引諸王繇東階陞樂止至  
殿庭階上拜位樂止贊禮唱鞠躬拜樂作諸王鞠躬四  
拜興平身樂止引禮引諸王居長者繇殿東門入樂作  
引禮立於門外內贊接引至殿內拜位樂止內贊贊禮  
同唱跪諸王皆跪長王恭賀曰小弟某茲遇長兄皇太  
子榮膺冊寶不勝忻忭之至謹率諸弟詣殿下稱賀賀

畢內贊贊禮同唱俯伏興平身引禮引長王繇殿東門出樂作復位樂止贊禮唱鞠躬拜樂作諸王鞠躬四拜興平身樂止唱禮畢引進啟禮畢皇太子興樂作還宮樂止引進引諸王以次出

諸王賀中宮皇太子受冊之日內使監官陳設皇后御座于中宮殿上諸王拜位于殿庭正中及御座前內贊二人位于殿上拜位之東西司贊二人位于諸王丹墀拜位之東西設儀仗于殿庭之東西擎執于殿上之左

內贊贊跪贊宣冊捧冊官跪捧冊授宣冊官宣冊官立  
宣于皇太子之右宣訖贊擣圭贊受冊捧冊官捧冊授  
皇太子受訖以授內侍內侍跪受立于西贊受寶一如  
授冊儀贊出圭俯伏興平身贊復位引禮導皇太子繇  
殿東門出就位內侍捧冊寶前導置綵輿中內贊贊鞠  
躬樂作四拜樂止執事者各昇冊寶以次前行引禮導  
皇太子繇東階降持節官隨之樂作至奉天門樂止用  
儀仗鼓樂迎冊寶至文華殿行禮畢持節官持節復命

是日禮部官候節冊寶啟行畢奉詔書至承天門開讀  
頒示天下皇太子受冊寶畢具冕服儀仗引禮導引詣  
太廟行謁告禮如常儀禮畢釋服引禮導引至右順門  
具冕服謝恩上具皮弁服御奉天殿引禮導皇太子至  
上前謝恩樂作行八拜禮畢樂止導還至右順門內官  
導諸內殿前皇后服燕居冠服陞內殿皇太子于內殿  
樂工陳樂于宮門外諸王于東宮行賀禮畢司賓引諸  
王具冕服至中宮外門東向立內使監官啟聞皇后首

飾緝衣出殿樂作陞御座樂止司賓引諸王繇東階陞  
樂作入就丹墀拜位樂止司贊唱鞠躬拜樂作諸王鞠  
躬四拜興平身樂止司賓引諸王居長者繇殿東門入  
樂作至殿上拜位樂止內贊司贊同跪唱諸王皆跪長  
王恭賀曰小子某茲遇長兄皇太子榮膺冊寶不勝歡  
慶謹率諸弟詣母后殿下恭賀賀畢內贊司贊同唱俯  
伏興平身諸王俯伏興平身司賓引長王繇殿東門出  
樂作復位樂止司贊唱鞠躬拜樂作諸王鞠躬四拜興

之北內贊二人位于殿上引文武班舍人四人位于文  
武班之北稍後俱東西相向是日宿衛陳兵仗于東宮  
門外之東西陳旗仗于中門外東西相向將軍六人于  
殿門之東西拱衛司陳儀仗于殿庭階上下之東西和  
聲郎陳樂于文武官拜位之南內使擎執于殿上之左  
右文武官進箋至午門前禮部以箋函置于案舍人舉  
入東宮門外恭候行禮文武百官于奉天殿行賀禮畢  
常服詣東宮文東武西分立于門外受箋官贊禮等執

跪宣于殿西展箋官同跪展箋宣畢俯伏興退立于西展箋官以箋復置于案退立于西內贊贊禮同唱俯伏興丞相與百官皆俯伏興平身丞相與宣箋官展箋官繇殿西門出西階降復位贊禮唱鞠躬拜樂作丞相以下皆鞠躬四拜興平身樂止贊禮唱禮畢引進啟禮畢舍人舉箋案出皇太子興樂作還宮樂止百官以次出內外命婦慶賀中宮至日司賓引內外命婦各服其服候于中宮門外之左右候皇太子入行朝謝畢內使

平身樂止司賓唱禮畢內使監官啟禮畢皇后興樂作  
還宮樂止內官引諸王以次出

百官進慶賀表箋與進賀中宮受冊表箋儀同

百官進慶賀東宮箋 前期內使監官陳設皇太子位  
于東宮正殿如常儀侍儀司設箋案位于殿下及殿上  
正中文武官拜位于殿下文東武西異位重行北向設  
宣箋官位于殿下箋案之西展箋官位于宣箋官之下  
知班二人位于文武官拜位之北贊禮二人位于知班

事各就位引進啟外備皇太子常服出宮至殿門樂作  
陞殿樂止舍人舉箋案入宣箋官展箋官押案置于庭  
各就位引班引文武官亦入就位知班唱班齊贊禮唱  
鞠躬拜樂作丞相以下皆鞠躬四拜興平身樂止贊禮唱  
進箋受箋官進至案之東北引班引丞相至案前丞  
相跪捧箋興與宣表官展表官由西階陞西門入至殿  
內置于案退立于殿南正中內贊唱跪贊禮唱衆官皆  
跪丞相與衆官皆跪內贊唱宣箋宣箋官詣案前取箋

監官啟門司賓二人先引外命婦繇西門入序立于庭中左右二人引內命婦入就拜位司贊唱班齊拜樂作內命婦以下皆四拜興樂止司賓引班首繇西階陞西門入樂作至御座前樂止內贊司贊同唱跪班首以下皆跪班首稱某封某妾等茲遇皇太子榮膺冊命恭詣皇后殿下稱賀賀畢內贊司贊同唱興班首以下皆興司贊引班首繇西門出西陛降復位司贊唱拜樂作班首以下皆四拜興樂止司賓二人引外命婦入就拜位

贊拜樂作班首以下皆四拜興樂止司賓引班首繇西  
陞陞西門入樂作至御座前樂止內贊司贊同唱跪班  
首以下皆跪班首稱賀曰某封某妾某氏等茲遇皇太  
子榮膺冊命恭詣皇后殿下稱賀賀畢內贊司贊同唱  
興班首以下皆興司賓引班首繇西門出西陞降司贊  
唱拜樂作班首以下皆四拜興樂止司賓唱禮畢皇后  
興樂作還宮樂止命婦以次出

謁廟皇太子擇日恭謁太廟

永樂二年續定 先期三日齋戒遣官祭告天地宗廟  
用香帛酒脯行一獻禮前一日禮部同鴻臚寺官設詔  
案于奉天殿中設節冊寶案于詔案之南節中冊東寶  
西各以次陳列設冊寶綵輿于丹陛之東尚寶司設寶  
案錦衣衛設鹵簿儀仗教坊司設中和韶樂如常儀至  
日鴻臚寺設皇太子拜位于丹陛正中設持等官拜位  
于丹墀內引禮啟請皇太子具冕服于文樓下以俟上  
服袞冕御華蓋殿翰林院官捧詔尚寶司官用寶訖禮

部官捧執于案執事官行五拜禮畢鴻臚寺官奏請陞  
殿導駕官前導樂作上御奉天殿樂止尚寶司官以寶  
置于案鳴鞭文武百官朝服行叩頭禮侍班引禮官六  
人導皇太子繇東階陞至丹陛贊就位持節等官各就  
丹墀拜位贊鞠躬樂作四拜樂止傳制官跪奏傳制俯  
伏興繇左門出西向立稱有制贊禮贊跪皇太子及持  
節等官皆跪宣制訖贊俯伏興平身引禮導皇太子繇  
殿東門入至冊寶案前丹陛行八拜禮畢

親王見東宮 先是內官設皇太子座于文華殿鴻臚  
寺設親王世子郡王拜位于殿陛上教坊司設樂錦衣  
衛設儀仗候親王世子郡王賀中宮禮畢引禮導親王  
世子郡王具冕服其未冕者便服序立于文華殿門外  
以俟導引官導引皇太子冕服陞座引禮導親王世子郡  
王繇東階陞樂作就殿陛上拜位樂止贊鞠躬四拜親  
王世子郡王皆鞠躬四拜興平身贊跪親王世子郡王  
皆跪鴻臚寺官一人詣殿門外正中跪致詞云某王某

等茲遇皇太子榮膺冊命禮當慶賀致詞畢贊俯伏興四拜樂作親王世子郡王皆俯伏興四拜平身皇太子賀興親王世子郡王以次出是日皇太子詣武英殿見諸叔行家人禮四拜諸叔西向坐受見諸兄行家人禮二拜諸兄西向立受次日文武百官進表箋慶賀如常儀

二十二年十月冊立樂設而不作明日奉先殿行禮畢

仍詣几筵謁告如常儀

時文皇帝  
梓宮在殯

宣德二年續定前期祭告天地宗廟社稷鴻臚寺錦衣衛陳設如常儀上服皮弁服御華蓋殿執事官行五拜叩頭禮畢鴻臚寺官請陞殿導駕官前導上陞座尚寶司以寶置于案鳴鞭文武百官具朝服行叩頭禮左右侍班引禮引正副使入就拜位贊四拜傳制官跪奏傳制俯伏興執事官舉節冊寶案繇殿左門出置御道中傳制官繇左門出稱有制贊正副使跪宣制曰某年某月某日冊立長子某為皇太子命卿等持節行禮贊俯

伏興又四拜禮畢執事官舉節寶冊置于綵輿中黃蓋送至左順門外正副使朝北立內官捧節冊寶繇正門入至文華殿內侍引皇太子出迎至文華殿內官以節冊寶置于案內贊贊四拜贊宣冊贊詣冊案前贊跪宣冊內官立宣訖贊受冊捧冊官以冊授皇太子受訖以冊授內使內侍跪受立于西贊受寶捧寶內官捧寶如授冊之儀贊俯伏興平身復位贊四拜禮畢內官持節繇正門出至左順門外以節授正副使執禮畢正副使

得報持節復命其頒詔如常儀皇太子受冊寶畢內使  
引詣奉先殿謁告如常儀畢內使引皇太子詣皇太后  
前行八拜禮次詣上前皇后前皆行八拜禮次詣皇妃  
前行四拜禮畢還宮時上以皇太子尚幼冊使捧冊次寶至左順門授內臣捧入免賀

日文武百官具朝服上表賀陳設如常儀上具充冕御  
華蓋殿親王先行八拜禮賀次執事官行五拜三叩頭  
禮畢鴻臚寺奏請陞殿導駕官前導進表行禮如正旦  
儀親王于上前行賀禮畢次詣內殿皇太后前賀行八

拜禮畢詣皇后前賀行八拜禮畢又詣皇妃前賀行四拜禮皇太后皇后各於內殿皇妃於宮中受内外命婦賀禮外命婦進箋陳設俱如常儀文武百官進箋賀皇太子陳設亦如常儀

嘉靖十八年續定前期三日齋戒至日上躬詣南郊以冊立皇太子奏告皇天上帝駕回恭詣太廟告聞皇祖命大臣祭告北郊列聖宗廟太社稷帝社稷朝日夕月天神地祇行事俱用祭服太常寺辦祭品通用酒果脯

醯三獻上帝皇祇加一牛翰林院撰告文圜丘祭告文  
武陪祀官各具祭服陪拜百官各具吉服并耆老生儒  
各俱昭亨門外陪拜其分遣祭告北郊等官俱詣圜丘  
陪拜畢方各詣祭所宗廟祭告文官五品以上武官四  
品以上皇親指揮等官六科都給事中俱照例具服陪  
拜郊廟祭告畢上具常服以冊立告聞于母后前期鴻  
臚寺設節冊寶案于奉天殿中節中冊東寶西設冊寶  
綵輿于丹陛之東教坊司設中和韶樂及大樂如常儀

內使設節案于文華殿正中設冊寶案于節案前設香  
案于冊寶案前設皇太子拜位于香案前至日錦衣衛  
設大駕鹵簿百官各具朝服入丹墀內侍立上具冕服  
御華蓋殿鴻臚寺官引執事官進至華蓋殿就次行五  
拜三叩頭禮贊各供事鴻臚寺官奏請陞殿樂作導駕  
官前導上陞座樂止鳴鞭報時鷄唱定時鼓訖唱排班  
文武百官及生儒耆老人等入班鴻臚寺官贊四拜樂  
作興樂止左右侍班引禮引正副使入就拜位贊四拜

傳制官跪奏傳制俯伏興執事官舉節冊寶案絲殿左門出置御道中傳制官繇左門出稱有制贊跪正副使跪傳制官宣制曰嘉靖十八年二月初一日冊立元子某為皇太子命卿等持節行禮贊俯伏興又四拜禮畢執事官舉節冊寶置於綵輿中黃蓋遮送教坊司鼓樂前導至文華殿正副使繇中門入至丹陛下停止保姆奉皇太子迎于文華殿門內正副使各捧節冊寶置于案節中冊東寶西內贊道守保姆奉皇太子就拜位贊四

拜保姆奉皇太子拜興贊宣冊贊跪保姆奉皇太子跪  
鴻臚寺宣冊官取冊立宣于皇太子之左宣訖贊受冊  
捧冊官以冊授皇太子內侍官跪代受以冊授捧冊官  
置于冊案贊宣寶鴻臚寺宣寶官取寶立宣于皇太子  
之右宣訖贊受寶捧寶官以寶授皇太子內侍官跪代  
受以寶授捧寶官置于寶案贊俯伏興保姆奉皇太子  
興贊四拜保姆奉皇太子拜興禮畢正副使捧節繇正  
門出于奉天門具本復命冊立之明日上恭詣宗廟捧

德祖神立各廟捧主大臣捧列聖神主奉安畢上具常服率皇后貴妃各具禮服保姆奉皇太子恭行告謝三獻如常儀畢上具常服詣母后謁謝皇后率貴妃各具禮服保姆奉皇太子詣上前皇后貴妃俱皇太子行代八拜禮貴妃又代皇太子詣皇后前行八拜禮保姆又代皇太子詣貴妃前行四拜禮上行告謝禮畢御奉天殿頒詔天下如常儀遣官齋捧御書禮物往各王府報知及詔諭朝鮮國是日文武百官上表行慶賀禮仍上

表賀皇太后命婦入內賀皇后俱如常儀百官又以是日進箋賀皇太子鴻臚寺官預設案于文華門班首捧箋置于案行叩頭禮畢司禮監官捧進

皇太子妃冊立儀

永樂二年定 前一日內官設節冊案于東宮內殿設香案于其南女樂于內殿設儀仗如常儀設內贊引禮女官各二人至日正副使等官持節捧冊至左順門以節冊授內官入行禮北向立俟報內官持節冊繇正門

入將至內引禮請皇太子妃具禮服宮人執扇從衛引  
贊導妃降自東階出迎于宮門外北至皇太子妃隨至  
拜位內官置節冊于案內贊贊四拜贊宣冊贊跪女官  
捧冊立宣于皇太子妃之左宣畢內贊贊受冊贊摺圭  
女官取冊授皇太子妃皇太子妃受訖以授女官女官  
跪受于皇太子妃之右內贊贊出圭贊興贊四拜禮畢  
內官持節出皇太子妃送出宮門外內官報正副使禮  
畢正副使復命皇太子妃乃具禮服詣奉先殿行謁告

禮如常儀禮畢女官導詣宮門俟上具皮弁服皇后燕居冠服陞座女官導妃就內殿行八拜禮畢出

永樂二十二年冊立 樂設而不作節冊至引贊贊妃就拜位宣冊授冊畢行四拜禮奉先殿謁告畢詣几筵

行謁告禮如常儀時文皇帝梓宮在殯皇帝皇后前謝恩禮畢詣

皇妃前行四拜禮回宮詣皇太子前行四拜禮畢導陞座侍衛如常儀王妃公主郡王及宮人文官應賀者于丹墀內行四拜禮畢各退

親王冊立儀

凡親王冊立洪武初皇帝預告太廟及期臨軒拜冊年幼者則遣官保抱以從事成化末年更定即日告內殿廷遣節使就各王府冊立之罷預告臨軒之禮

洪武三年定 前期擇日奏告太廟至日設寶冊案五座于殿中寶冊亭十座于丹陛上之東皇太子侍立位于御座之東諸王拜位于丹陛上及御座前俱北面其

餘陳設侍衛執事俱與冊東宮儀同是日早百執事各就位鼓三嚴侍儀奏中嚴皇帝於謹身殿具袞冕皇太子于奉天門具冕服親王各具九章冕服引班分引文武百官入侍立位侍儀版奏外辨皇帝出御奉天殿尚寶卿捧寶及導從奏樂如常儀鳴鞭司晨報時訖引進四人引皇太子引禮四人引親王俱繇奉天門東入樂作陞自東陛皇太子繇殿東門入引進立候于門外內贊接引至侍立位親王入至丹墀拜位引禮分立于左

右樂止捧受冊寶內使繇西陛陞俱入就丹陛立位知  
班于丹墀中唱班齊贊禮于丹陛上贊鞠躬樂作再拜  
樂止內贊贊承制訖繇殿中門出立于中門外稱有制  
贊禮贊親王皆跪宣制云封皇太某為某王某為某王  
皇從孫某為某王畢贊諸王皆俯伏興承制官繇殿西  
門入跪于殿中奏傳制畢復位贊禮贊諸王鞠躬樂作  
再拜樂止贊禮贊行禮引禮引秦王繇殿東門入樂作  
引禮立于門外內贊接引秦王入至御座前拜位樂止

內贊贊跪贊受冊寶捧冊寶官于案前跪捧冊授讀冊  
官內贊贊讀冊讀冊官跪讀冊訖以冊授丞相丞相搢  
笏受冊內贊贊搢圭贊受冊丞相以冊跪授秦王捧受  
冊寶內使跪于王西捧冊興立于王西捧冊寶官又于  
案前跪捧寶授讀寶官內贊贊讀寶讀寶官跪讀寶訖  
以寶授丞相丞相捧寶跪授秦王捧受冊寶內使跪于  
王西捧寶興立于捧冊內使之下內贊贊出圭俯伏興  
贊復位引禮引秦王出樂作內使捧冊寶前導出至殿

東門引禮引秦王復位樂止內使以冊寶置于冊寶亭  
盡匣中退立于丹陛之東引禮引以次諸王俱入殿受  
冊寶并內使捧受皆如上儀畢贊禮贊秦王以下皆鞠  
躬樂作四拜樂止內使昇親王五位冊寶亭前行引禮  
導王俱繇東階降樂作奉迎冊寶官奉迎出奉天門東  
樂止時齊潭趙魯四王年幼遣官齎奉冊寶授之其儀  
內贊贊承制官稍前丞相前立于殿西內贊贊丞相跪  
承制訖讀冊寶官捧四王冊寶俱繇中門出內使昇冊

寶亭至丹陛中讀冊讀寶官以冊寶置于盃匣中執事  
昇冊寶亭前行授冊寶官丞相一同繇中陛降讀冊寶  
官繇西門入殿復位捧受冊寶內使四人繇西陛降從  
丞相繇丹陛轉謹身殿之東進至王宮門外冊寶亭暫  
駐於門外正中內使監官出迎于冊寶亭西南跪東北  
向授冊寶官丞相東北立西南向稱有制宣制曰封皇  
子某為某王某為某王畢授冊寶官丞相止內使監官  
迎寶冊入宮中授冊寶官丞相繇王宮中出至奉天殿

前丹墀西轉繇西陛陞自西門入殿跪云宣制訖俯伏  
興引禮引靖江王至御座前跪受冊寶出復位四拜興  
繇東陛降奉迎冊寶出奉天東門並有泰晉等儀禮部  
尚書跪奏詔書用寶詣案降捧詔書尚寶卿用寶以詔  
書置于案禮部尚書跪奏捧詔赴午門開讀興捧詔繇  
中門出樂作降自中陛授冊寶丞相等官繇西門出降  
自西階文武百官迎詔書開讀于午門外頒行俱如常  
儀侍儀奏禮畢鳴鞭皇帝興樂作還宮引進入東門至

殿上導皇太子出樂止是日所司備鼓樂儀衛司備儀仗于奉天門西右順門東伺候親王受冊寶畢出至奉天門引禮引親王詣東耳房伺候于中宮行禮內使昇冊寶亭東門出繇西道儀仗鼓吹前行送至親王殿各以序奉安于殿內

親王年幼受冊寶儀

受冊之日內使監官陳設香案于內殿正中設怀抱抱王受冊位于香案之南設受冊寶內使監官位于香案

之東捧受冊內使位于保抱抱王受冊位之西捧受寶  
內使位于捧受冊內使之南司贊二人位于保抱抱王  
受寶位之東西丞相奉迎冊寶至王宮門外內使監官  
跪聽制訖丞相出內使監官迎冊寶亭入宮中置于香  
案之北保抱抱王繇東門入樂作至香案前受冊位北  
面立樂止司贊贊行冊禮內使監官前立稱有制內贊  
贊保抱抱王皆跪內使監官宣制曰今封皇子某為某  
王某為某王畢內贊贊保抱抱王興繼贊授冊寶司賓

引怀抱一人抱王前立授冊寶監官詣案取冊捧授于  
怀抱怀抱授冊以授于捧受冊內使內使跪于怀抱之  
左受冊興退立于西授冊寶監官又詣案取寶捧授于  
怀抱怀抱受寶以授于捧受寶內使內使跪於怀抱之  
左受寶興退立于西以次受冊寶皆如上儀內贊贊禮  
畢樂作司賓引怀抱抱王退樂止執事各以冊寶奉置  
亭中

朝謝中宮 與皇太子受冊朝謝儀同

謝東宮親王受冊之日內使監官陳設皇太子座于東宮侍儀司設親王拜位于殿庭階上及殿上正中贊禮二人位于殿庭王拜位之東西內贊二人位于殿內王拜位之東西文武官侍立位于殿庭東西將軍六人位于殿門之左右拱衛司設儀仗于殿庭之左右樂工設樂于宮門之外親王于中宮行禮畢引禮引親王便服至東宮門外西向立引進引皇太子便服出宮樂作陞殿樂止引禮引諸王繇東階陞樂作至殿庭階上拜位

樂止贊禮唱鞠躬拜樂作四拜樂止引禮引秦王繇殿東門入樂作引禮立于門外內贊接引秦王至殿內拜位樂止內贊贊禮同唱跪秦王以下皆跪秦王恭謝曰小弟某等慈受封冊謹詣皇太子長兄殿下恭謝謝畢內贊贊禮同唱俯伏興平身引禮引秦王繇東門出樂作復位樂止贊禮唱鞠躬拜樂作四拜樂止贊禮唱禮畢引進啟禮畢皇太子興樂作還宮樂止引進引親王以次出

親王自行賀及百官賀諸王親王受冊之日儀衛司于西宮親王殿依親王長幼陳設座位侍儀司設文武官陪立位于殿庭之東西拜位于廷中文東武西內贊二人位于殿內東西相向拱衛司陳設親王儀仗于殿前之東西樂工陳樂于殿庭之南贊禮贊各就位親王於東宮行禮畢引禮引親王便服入殿門樂作陞座樂止文武官入立於殿庭之東西引禮引晉王以下詣秦王前行禮贊禮唱鞠躬晉王以下皆鞠躬樂作四拜樂止

引禮引以次親王行禮皆如賀秦王儀贊禮唱禮畢引  
禮引文武官入就拜位贊禮唱鞠躬樂作四拜樂止引  
禮引丞相繇西門入引禮立于門外丞相至殿上拜位  
內贊贊禮同唱跪丞相及庭中文武官皆跪丞相稱賀  
曰某官某等茲遇親王殿下榮膺冊寶封建禮成無任  
忻忭之至賀畢內贊贊禮同唱俯伏丞相及庭中文武  
官皆俯伏興平身丞相出引禮引復位贊禮唱鞠躬樂  
作四拜樂止贊禮唱禮畢內贊啟禮畢親王興樂作出

殿門樂止引禮引文武官以次出

東宮及百官稱賀上表箋親王受冊寶禮既畢至晚內使監于奉天殿陳設御座香案尚寶司設寶案於香案之北侍儀司設表案位于香案之南又設表箋案位于丹墀北之正中設皇太子拜位于丹陛上御前正中親王陪拜位各以長幼序于皇太子拜位之南其餘陳設侍衛執事與賀冊立中宮儀同是日侍儀侍從入迎車駕上位陞謹身殿侍儀版奏中嚴御用監官奏請上位

服充冕皇太子親王于奉天門東耳房具冕服文武官迎表至午門前置龍亭於御道中禮部官取表函置于案舍人舉案宣表官展表官押表案引丞相前行文武官分班俱繇西門入至丹墀中禮部官押表案于丹墀正中各就位文武官各就起居位侍儀奏外辦導引上位御輿以出仗動鼓吹振作尚寶卿捧寶前導侍衛如常儀上位陞御座樂止尚寶卿捧寶置于案將軍捲簾拱衛司鳴鞭司晨報時鷄唱訖諸侍從官殿前班拱衛

司官繇西階降引班引同宣表官受表官受箋內官俱  
入起居位東西相向立定通班唱某衛指揮使臣某以  
下起居引班唱鞠躬平身指揮以下鞠躬平身引班東  
西分引至丹墀中拜位北面立贊禮唱鞠躬樂作兩拜  
樂止贊禮唱指揮使稍前指揮使前立贊禮唱鞠躬指  
揮以下皆鞠躬贊禮唱聖躬萬福唱平身指揮以下皆  
平身唱復位指揮使皆復位唱鞠躬樂作兩拜樂止通  
班唱各供事引班引指揮以下官各就位引進四人導

皇太子親王繇東門入樂作繇東階陞至拜位樂止引進立立于其前唱鞠躬樂作四拜樂止引進引皇太子繇殿東門入樂作引進立候于門外內贊接引皇太子至御座前拜位樂止內贊引進同唱跪皇太子親王皆跪皇太子稱賀云長子某茲遇諸弟某等受封建國謹詣父皇陛下稱賀賀畢內贊引進同唱俯伏興平身皇太子親王俯伏興平身內贊引皇太子出殿東門樂作內贊唱復位引進引皇太子復位樂止引進唱鞠躬樂

作四拜樂止引進引皇太子親王東陞降樂作至文樓  
樂止司晨再報時訖通班唱具官臣某以下起居以下  
百官稱賀儀與賀冊中宮儀同

東宮賀中宮親王受冊次日內使監官陳設皇后御座  
于中宮殿上皇太子拜位于露臺上正中親王陪拜位  
序于其後設皇太子行禮位于御座前內贊二人位于  
殿上拜位之東西陳設儀仗于殿廷之東西擎執于殿  
內之左右樂工設樂于宮門之外皇太子于上位前行

賀禮畢司賓引皇太子親王各具冕服至中宮門外東向立內使監官啟聞皇后首飾禕衣出殿樂作陞御座樂止司賓引皇太子親王繇東階陞樂作入就露臺上拜位樂止司賓分立于其前司贊唱鞠躬樂作四拜樂止司賓引皇太子繇殿東門入樂作至殿內拜位樂止司賓分立于其前內贊唱跪皇太子跪稱賀曰長子某茲遇諸弟某等受封建國謹詣母后殿下稱賀畢內贊唱俯伏興平身皇太子俯伏興平身司賓引皇太子東

門出樂作復位樂止司賓唱鞠躬樂作四拜樂止司賓唱禮畢內使監官啟禮畢皇后興樂作還宮樂止內官引皇太子親王以次出

中宮受內外命婦賀至日司賓引內外命婦各服其服各候于中宮門外之左右俟皇太子入行賀禮畢內使監官啟聞司賓二人先引外命婦繇西門入序立於廷中左右二人引內命婦入就拜位司贊唱班齊唱拜樂作四拜樂止司賓引班首繇西階陞西門入樂作至

御座前樂止內贊司贊唱跪班首及衆內命婦皆跪班  
首稱某封某妾某等茲遇親王受封建國恭詣皇后殿  
下稱賀畢內贊司贊同唱興班首及衆內命婦皆興司  
賓引班首繇西門出西階降復位司贊唱拜樂作四拜  
樂止司賓引內命婦出司賓二人引外命婦入就拜位  
唱拜樂作四拜樂止司賓引班首繇西門入樂作至御  
座前樂止內贊司贊同唱跪班首以下皆跪班首稱賀  
曰妾某氏等茲遇親王受封建國恭詣皇后殿下稱賀

畢內贊司贊同唱興班首以下皆興司賓引班首繇西門出西階降司贊唱拜樂作四拜樂止司賓引外命婦以次出

東宮受百官賀 與東宮初立百官進賀儀同

成化二十二年續定 其日清晨上親告奉先殿用祝文

前期鴻臚寺設節冊寶案於奉先殿中冊東寶西節居中綵輿設于丹墀之東教坊司設中和韶樂及大樂是日早錦衣衛設鹵簿駕上具皮弁服御華蓋殿執事官

行禮如常儀鴻臚寺奏請陞殿導駕官前導上陞座鳴  
鞭樂作文武百官朝服行叩頭禮侍班樂止引禮引正  
副使入就拜位樂作贊四拜樂止傳制官跪奏傳制執  
事官奉節冊寶案絲殿左門出置御道中傳制官絲左  
門出稱有制贊正副使跪制曰某年某月某日冊封第  
幾子某為某王命卿等持節行禮贊俯伏興四拜禮畢  
執事官舉節冊寶置於綵輿中用黃傘蓋及大樂送至  
右順門外正副使朝北立仍用內樂迎綵輿至各王所

居門外內執事先設香案于中堂之北設節冊寶案于  
香案之南王先具服候冊節寶將至出迎于門外內執  
事捧節冊寶繇正門入先行王隨行至王所居正中各  
置於案冊東寶西節居中內執事導引王就拜位贊四  
拜樂作興平身樂止贊宣冊贊詣冊案前贊跪宣冊內  
官取冊立宣訖贊受冊捧冊內官以冊授王王受訖以  
冊授內侍內侍跪受立于西贊受寶捧寶內官以寶授  
王王受訖以寶授內侍內侍跪受立于西贊俯伏樂作

興平身樂止贊復位贊四拜樂作興平身樂止贊禮畢  
內導引引王送節出門外內執事捧節出授正副使報  
禮畢正副使持節復命是日親王受冊寶畢內侍引詣  
奉先殿謁告如常儀畢內侍引親王詣皇太后前行八  
拜禮詣上前皇后前俱拜八拜禮詣母妃及皇妃及東  
宮并妃前各行四拜禮畢回宮次日文武百官常服致  
詞稱賀行禮畢司禮監請各王具常服俱詣奉天門前  
東庶坐百官常服行四拜禮

親王妃冊立儀

與冊立皇太子妃同

公主冊立儀

洪武九年定 先期內使監陳設冊案于乾清門御座之東南設儀仗于丹陛之東西陳女樂于丹陛之南尚儀奏外辦上皮弁服中宮翟衣陞御座樂作陞座訖樂止引禮引捧冊使者女官就殿上拜位贊拜樂作四拜樂止傳制官稱有制贊捧冊使者跪傳制制曰今冊長

女為某公主命尚宮正某行禮舉冊官以冊立授使者  
使者受冊以授執事者執事跪受退立于殿東贊興捧  
冊使者興贊拜樂作四拜畢樂止執事者捧冊前行使  
者隨詣華蓋殿設香案于正中設冊案于香案前公主  
服九翟四鳳冠翟衣立于殿西東向冊使至以冊置于  
案冊使立于冊案之東南向引禮引公主詣拜位贊禮  
贊公主四拜畢贊禮請公主詣前冊使稱有制贊禮贊  
公主跪贊宣冊宣冊官取冊立宣訖以冊入于盡贊受

冊宣冊官以冊授公主公主受冊輿以冊置于案執事者收冊冊使輿引禮就導引公主詣上前謝恩贊八拜又詣中宮前謝恩贊八拜禮畢次見皇妃東宮及妃各王及妃如常儀公主授以金冊婿皆稱駙馬都尉賜誥命皇姑曰大長公主皇姊妹曰長公主皇女曰公主自公主以上俱授金冊冊立儀冊文俱見婚禮

誕生名命

皇子誕生儀

嘉靖十五年定 皇子初生三日上親詣南郊奏告同  
日祭告奉先殿崇先殿遣官分告方澤朝日夕月太社  
稷帝社稷天地神祇行事俱祭服具告文行三獻禮祭  
品用酒果脯醢南北郊加太牢文官五品以上武官四  
品以上俱隨詣南郊文官三品以上武官公侯伯皇親  
駙馬仍詣內殿各具服陪拜次日上御奉天門文武百  
官具吉服稱賀先後行四拜禮仍自誕生之日為始各  
吉服十日擇日頒詔天下如常儀分遣翰林院春坊六

科官齋捧御書往王府報知

萬曆十年更定 皇子初生三日遣官祭告南北郊太廟社稷壇是日上具袞冕服御皇極殿文武百官及天下諸司進表官員各具朝服鴻臚寺官致詞稱賀餘如常儀仍遣官齋捧詔書往諭朝鮮國王

皇子命名儀

嘉靖十二年定 皇子生三月禮部行令欽天監擇命名并行禮吉時翰林院備查欽賜過宗室名同字行者

進呈御覽以避重復開擬數字上請簡定前期上擇內  
夫人之敬慎者以奉皇子剪髮前一日上詣太廟世廟  
以命皇子命名告于列聖皇考用香帛脯醢酒果祝文  
至日早保姆抱皇子于寢官剪髮為髻留角如禮上具  
皮弁服御乾清宮陞御座皇后率嬪之生皇子者各服  
其服朝見行四拜禮畢皇后侍立東面嬪後保姆抱皇  
子出自寢繇西至殿內授皇子于皇后內贊奏曰皇后  
率某嬪某氏敢用吉日祗見皇子上降座命以制辭遂

執皇子之右手而賜之名皇后敬對畢遂左還授皇子  
於保姆還寢皇后復率嬪四拜畢各還宮次日上御奉  
天門欽降手勅以皇子睿名傳諭禮部行宗人府上籍  
玉牒

隆慶二年更定 皇子生彌月剪髮如常儀候至百日  
禮部行令欽天監擇命名并行禮吉時翰林院預擬睿  
名上請簡定至期上以命皇子名告聞於奉先殿世宗  
皇帝几筵殿弘孝殿神霄殿用告文祭品如常儀是日

上具常服御乾清宮陞座皇后率皇貴妃各服其服朝見行四拜禮畢皇后侍立東面皇貴妃中立保姆抱皇子出自寢繇西至殿內授皇子于貴妃內贊奏曰皇貴妃某氏敢用吉日祇見皇子上降座撫皇子首咳而賜之名皇貴妃承旨畢左還授皇子于侍姆還寢皇后復率皇貴妃四拜畢各還宮次日上御皇極門降手勅如

常儀

皇女誕生儀

嘉靖十五年定 皇女生彌月前期上擇內夫人之敬  
慎者以奉皇女剪髮是日早保姆抱皇女于寢宮剪髮  
為簪留羈如禮上具常服御乾清宮陞御座皇后率妃  
之生皇女者具服朝見行四拜禮畢皇后侍立東面妃  
後保姆抱皇女出自寢繇西至殿內授皇女于皇后內  
贊奏曰皇后率妃某氏祇見皇女上降座執皇女之右  
手而賜之名皇后承旨遂左還授皇女于保姆還寢皇  
后復率妃四拜畢各還宮是日宮中舉宴禮如常儀

卷十二  
尊號徽號

上尊號

天子登極奉母后或母妃為皇太后則上尊號其後或以慶典推崇皇太后則加稱二字或四字為徽號上徽號致詞而上尊號則止進冊寶其儀畧同具列于後

皇太后上尊號儀

洪熙元年定 告祭前期太常寺官具奏致齋三日遣官祭告天地宗廟社稷上親告太宗皇帝几筵太行皇

帝几筵上冊寶前期禮部移文各衙門是日鳴鍾鼓百  
官具朝服隨班行禮前一日內侍官于奉天門設冊寶  
綵輿冊東寶西設香亭一于冊寶綵輿之南正中教坊  
司設中和韶樂及大樂設而不作是日早錦衣衛陳設  
如常儀內官設皇太后寶座于宮中陳設儀仗于丹陛  
上及丹墀內設冊寶案一於皇太后寶座前又設香案  
一于冊寶案前設皇帝拜位于丹陛上正中設親王拜  
位于丹墀內設內贊二人引禮二人設女樂于丹陛上

設而不作至期皇帝臨奉天門內捧冊寶官捧冊寶俟  
皇帝具冕服出捧置于綵輿內侍官舉輿導駕官導引  
皇帝隨綵輿後降階陞輅百官于金水橋南北向序立  
俟冊寶輿至皆跪既退輿隨至思善門外橋南北向序  
立皇帝至思善門內降輅女官請皇太后陞座冊寶輿  
繇中門進至宮中丹陛上置於皇帝拜位前冊東寶西  
內引禮道引皇帝繇左門入至丹陛上右邊北向立內  
贊唱執事官各司其事引禮官導引皇帝至拜位親王

各具冕服就拜位奏四拜傳唱鴻臚寺贊百官皆四拜畢捧冊寶官於綵輿內取冊寶捧綵殿中門入至皇太后前左邊立皇帝繇殿左門入至拜位奏跪傳唱親王百官皆跪奏摺圭進冊捧冊官以冊跪進於皇帝右皇帝受冊獻訖以授執事官執事官跪受置於案上之左奏進寶捧寶官以寶跪進於皇帝右皇帝受寶獻訖以授執事官執事官跪受置於案上之右奏出圭奏宣冊執事官跪宣讀訖奏宣寶執事官跪宣讀訖奏俯伏興

平身傳唱同奏復位導引皇帝繇左門出至拜位奏四拜親王同傳唱百官同四拜畢奏禮畢駕興

謁謝 是日皇太后受冊寶畢候皇后皇妃俱受冊寶畢內官先具謁告儀物翰林院具謁謝文皇太后皇帝皇后皇妃各具服訖皇帝奉皇太后及率皇后皇妃祇謁奉先殿及諸太宗文皇帝几筵大行皇帝几筵前行謁謝禮如常儀

慶賀 是日皇太后行謁謝禮畢仍於宮中服燕居冠

服陞座儀仗女樂如前陳設女官具服侍班如常儀內引禮官引皇帝皇后皇妃親王公主及六尚等女官行慶賀禮如常儀次日外命婦四品以上入進表箋女官先於皇太后宮中左門外設表箋案儀仗女樂陳設及侍班如前儀命婦是日早于長安左右門入俱縣西華門進至宮門外候引禮內官引入丹墀內東西相向立皇太后服燕居冠服陞座引禮官引命婦入班贊四拜贊跪贊進表案女官二人前導女官舉表案縣左

門入至皇太后前置訖贊興贊四拜贊禮畢駕興

太皇太后上尊號儀

與皇太后上尊號儀同

皇太后上徽號儀

天順二年定 告祭先期四日太常寺官宿於本寺次  
日早具奏致齋三日遣官祭告天地宗廟社稷其祭儀  
用果酒脯醯香帛迎神四拜行一獻禮讀祝送神四拜  
禮畢上冊寶前期禮部移文各衙門是日鳴鍾鼓百官

具朝服隨班行禮前一日內侍官設冊寶案於奉天殿冊東寶西設冊寶綵輿於丹墀內設香亭一于冊寶輿前教坊司設中和韶樂及太樂是日早錦衣衛設鹵簿大駕如常儀前一日女官設皇太后寶座於宮中設冊寶二案於寶座前冊東寶西設香案於冊寶案前設皇帝拜位於丹陛上正中皇太子親王拜位列於後又設皇帝進冊寶位於宮門內正中設內贊二人引禮二人內官設儀仗於丹陛丹墀東西女官擎執者立於寶座

之左右鍾鼓司設樂於丹陛東西北向是日早上御華  
蓋殿具冕服鴻臚寺官奏請行禮導駕官導引上出至  
奏天殿捧冊寶官捧冊寶置于案內侍官舉案繇殿中  
門出導駕官導引上隨行至丹陛下捧冊寶官取冊寶  
置於綵輿內侍官舉輿上陞輶隨輿後百官於金水橋  
南北向序立候冊寶綵輿至皆跪過畢輿隨至文華門  
外候上至清寧門內降輶趨至宮門外北向立女官奏  
請皇太后陞座皇太后具服出導從如常儀樂作陞座

冊寶綵輿絲中門進至宮中丹陛上置於皇帝拜位前  
冊東寶西內引禮官導引上絲左門入至丹陛左北向  
立樂止內贊唱執事官各司其事引禮官道引上至拜  
位皇太子親王各具冕服就位奏拜樂作四拜樂止傳  
唱鴻臚寺贊百官皆四拜畢捧冊寶官於綵輿內取冊  
寶捧絲中門入至皇太后前左立上絲左門入至拜位  
奏跪傳唱皇太子及親王百官皆跪奏搢圭進冊捧冊  
官以冊跪進於上左受冊奏宣冊上以冊授執事官執

事官跪受於上右宣讀訖捧置於案奏進寶捧寶官以  
寶跪進於上左上受寶以授執事官執事官跪受於上  
右捧置於案奏出圭俯興傳唱同奏復位引禮官導  
引上繇左門出至拜位奏拜樂作四拜樂止傳唱百官  
同四拜畢致詞官於丹陛上跪奏於上左曰嗣皇帝臣  
伏惟皇太后陛下功德兼隆顯崇徽號永膺福壽率土  
同歡畢贊拜樂作四拜樂止傳唱百官同四拜奏禮畢

駕興

謁告 是日皇太后受冊寶畢內官先具謁告儀物皇  
太后具冠服詣奉先殿行謁告禮如常儀

受賀 是日皇太后行謁告禮畢仍御宮中服燕居服  
陞座儀仗及樂如前設陳內引禮官引皇后皇妃公主  
行慶賀禮如常儀禮畢文武百官詣清寧宮前門外上  
表慶賀行四拜禮司禮監官捧表進仍行四拜禮畢次  
日命婦進表慶賀前期一日女官設皇太后御座於宮  
中設香案於丹墀之南其日清晨內官設儀仗於丹陛

之東西及丹墀東西女官擎執者立於御座之左右陳女樂於丹陛東西北向設表案於殿東門外設命婦拜位於丹墀北向設司贊位於丹墀東西設司賓於命婦拜位之北東西相向設內贊二人位於殿內東西命婦至宮門外司賓引命婦入就拜位女官具服侍班如常儀尚宮尚儀等官詣內奉迎尚儀奏請陞座皇太后具服出導從如常儀樂作陞座樂止司贊唱班齊樂作贊四拜樂止外贊唱進表引表案女官前導舉表案女官

二人舉案繇殿東門入樂作至殿中樂止贊衆命婦跪  
內贊唱宣表展表女官詣案前取表跪展宣表女官詣  
案前跪宣訖興女官舉表案置於殿東外贊命婦皆興  
樂作贊四拜樂止司賓引班首命婦繇東階陞樂作自  
東門入至殿中樂止內贊唱跪班首跪外贊衆命婦皆  
跪內贊官跪於班首之左代致詞云某夫人妾某氏等  
恭惟皇太后陛下德同坤厚允協徽稱壽福無疆輿情歡  
戴畢內贊司贊同唱俯伏興班首及衆命婦皆興司賓

引班首繇西門出降自西階樂作至拜位樂止贊拜樂作四拜樂止尚儀跪奏禮畢皇太后興樂作還宮樂止引禮官引命婦以次出又次日上御奉天殿文武百官上表行慶賀禮畢頒詔天下如常儀



禮部志稿卷十二

欽定四庫全書

史部

禮部志稿卷十三

詳校官編修臣黃壽齡

編修臣程嘉謨覆勘

總校官知縣臣楊懋珩

校對官中書臣張曾效

謄錄監生臣龍翔

欽定四庫全書

禮部志稿卷十三

明 余汝楫 編

儀制司職掌

耕耤 西苑耕歛附

皇祖重農元年仲春即行耕田禮列聖相承皆遵用  
馬至肅皇復行西苑耕歛之禮立帝社稷壇以春秋  
祈報禮加詳已今西苑禮不行

洪武二年定 皇帝祀先農畢太常卿奏請詣耕籍位皇帝至位南向立三公以下及應從耕者各就耕位戶部尚書北面進來耜太常卿導引皇帝秉耒三推戶部尚書跪受來太常卿奏請復位南面坐三公五推尚書九推各退就位太常卿奏禮畢太常卿導引皇帝還大次應天府尹及上元江寧兩縣令率庶人終畝是日宴勞百官耆宿於壇所

永樂間續定 凡祭先農畢駕至耕田所戶部尚書捧

仰大明之曲進酒進膳進湯如前儀三奏民初生之曲  
進酒進膳進湯如前儀徹御案畢樂止百官復入班行  
禮樂作禮畢樂止鴻臚寺官奏禮畢駕還

嘉靖九年續定 每歲仲春上戊祭社稷及先農先二  
日早順天府官以耒耜及穜稑種進呈少頃內官捧耒  
耜及穜稑種授順天府官捧由午門左門出置綠輿中  
鼓樂送至耤田所至日祭社稷畢昧爽上具翼善冠黃  
袍御奉天門太常寺官奏請詣先農壇上陞輦鹵簿道

書九卿九推訖太常卿奏耕畢從耕官各就班導駕官同太常卿導引上詣齋宮鴻臚寺官俟上陞座奏從耕陪祭官叩頭奏順天府縣官老人叩頭訖順天府率庶人終畝鴻臚寺官贊入班百官序列定致詞云親耕既成禮當慶賀贊五拜三叩頭禮畢賜百官酒飯鴻臚寺官承旨贊入班百官行一拜三叩頭禮訖尚膳監進膳三品以上官各就殿臺四品以下官臺下御路傍東西相向各賜坐并宴勞耆宿于壇傍教坊司承應用大樂

鞭跪進教坊司官率其屬作樂隨駕行三推禮畢駕至  
儀門陞座樂作觀三公九卿耕訖教坊司承應用大樂  
百戲畢跪奏致語駕至殿內陞座進湯進膳俱用樂畢  
順天府官率耆老人等謝恩樂作禮畢樂止次百官行  
禮樂作禮畢樂止賜百官酒飯百官復入班行禮樂作  
禮畢樂止尚膳官進膳樂作進訖樂止百官入席教坊  
司官奏一奏本太初之曲進酒樂作進訖樂止進膳樂  
作進訖樂止教坊司官跪奏進湯樂作徹湯樂止二奏

從詣壇所具服殿更衣致祭

儀具祠  
祭司

祭畢上還具服殿

更翼善冠黃袍少憇百官易便服訖太常卿入奏請詣

耕耤位導駕官同太常卿導引上至耕耤位南向立三

公以下從耕者各就耕位戶部尚書北向跪進未耜順

天府官北向跪進鞭導駕官同太常卿導引教坊司官

率屬作樂歌舞左右贊相上秉未三推訖戶部尚書跪

受未耜順天府官跪受鞭太常卿奏請復位順天府尹

捧青箱隨以種播而覆之上御觀耕臺觀三公五推尚

隊舞村田樂雜戲跪奏致語進酒進湯進膳及百官行禮俱奏樂如常儀宴畢鴻臚寺官贊入班百官行一拜三叩頭禮訖駕輿還宮

隆慶二年耕耤儀同先期一日預告奉先殿是日還宮仍詣奉先殿及弘希神霄等殿參謁

弘治元年奏准順天府率兩縣官耆老謝恩之後引上中下等農夫各十人穿着本等衣鞋各執農家器具朝見叩頭令其終畝畢人賜布一疋

嘉靖九年令以耤田舊地六頃三十五畝九分六釐五毫撥與壇丁耕種歲出黍稷稻粱芹韭等項餘地四頃八十七畝六分二釐九毫除建神祇壇外其餘九十四畝二分五釐六絲四忽亦撥與壇丁耕種上納子粒俱輸於南郊神廟以供大祭等項粢盛十年戶部題准藉田五穀種子每畝合用一斗本部發銀行順天府收買送用以後年分子收穫數內照地存留備用合用農器犁四張鋤四張鋏十把鋤十把锨十把扒十把杈十把

鎌刀十把掃帚十把簍笠十副碌碡四箇大小麻繩共一百條筐擔十副禮部發銀順天府買造每地一頃合用耕牛四隻禮部發銀順天府收買每日草料行裏牛房照數放支責付耕夫餵養每地一頃用夫十名行順天府於宛大二縣取用俱免本身差役仍行太倉每名夫口糧五斗

西苑耕歛

嘉靖十年上命墾西苑內隙地為田諭禮工二部建帝

社帝稷壇每歲仲春秋行祈報禮

儀注見祠祭司

于壇東北建

殿曰無逸亭曰幽風又建亭曰省耕曰省斂每歲耕獲上親臨觀以重農事置倉曰恒裕貯田之所入以供祀事

視學

皇祖視學祭先師不設牲不奏樂憲宗始用牲樂孝宗加幣與太牢世宗以正先師稱號載視學復增設啓聖公祠禮更有加云

洪武十五年定 前期一日有司灑掃殿堂設御幄于大成門東上南向設御座于彞倫堂至日學官率諸生迎駕于成賢街左駕至學官及諸生俯伏叩頭興駕入櫺星門止于大成門外上入御幄禮官入奏請具皮弁服次請行禮道引官導上出御幄就御位百官各就位導引官導上詣盥洗位搢圭盥帨出圭詣酒尊所酌酒詣先師神位前再拜百官皆再拜搢圭執事官跪進爵上獻爵授執事官奠于神位前出圭再拜百官皆再拜

四配十哲兩廡分獻如常儀導引官導上入御幄易常  
服陞輿詣學學官率諸生先列于堂下東西上至彝倫  
堂陞御座贊唱學官諸生行禮五拜叩頭東西序立于  
堂下三品以上及侍從官以次入堂東西序立贊進講  
祭酒司業博士助教四人以次陞堂由西門入至堂中  
贊舉經案于御前禮部官奏請授經于講官祭酒跪受  
賜講官坐乃以經置講案叩頭就西南隅設几榻坐講  
賜大臣翰林儒臣坐皆叩頭序坐于東西諸生圜立以

聽講畢祭酒叩頭退就本位司業博士助教各以次進  
講畢出堂門復位贊唱有制學官諸生列班俱北面跪  
聽宣諭五拜叩頭禮畢學官率諸生出成賢街跪俟駕  
還明日祭酒率學官上表謝恩

成化元年續定 前期一日太常寺備祭儀設大成樂  
器于殿上列樂舞生于階下之東西國子監灑掃殿室  
內外錦衣衛設御幄于大成門之東上南向設御座于  
彝倫堂正中鴻臚寺設經案于堂內之左設講案于堂

內之西南至日置經于經案錦衣衛設鹵簿駕教坊司  
設大樂俱于午門外是日早百官免朝先詣國子監門  
外迎駕分獻陪祀官先詣國子監具祭服伺候行禮駕  
從東長安門出鹵簿大樂以次前導樂設而不作太常  
寺先陳設祭儀於各神位前設酒尊爵如常儀執事設  
上拜位於先師神位前正中是日學官率諸生迎上至  
大成門外入御幄禮官入奏請具服上具皮弁服訖奏  
請行禮導引官導上出御幄中道詣大成殿陞上典儀

唱執事官各司其事執事官各先斟酒于爵候道上至  
拜位贊就位百官亦各就拜位四配十哲分獻官各詣殿  
東西階下兩廡分獻官各詣廡前俱北向立贊迎神樂  
作樂止奏上鞠躬拜興拜興平身通贊百官行禮同奏  
搢圭上搢圭執事官跪進爵樂作上受爵獻畢復授執  
事官奠于神位前樂止奏出圭上出圭四配十哲兩廡  
分獻官以次詣神位前奠爵訖仍以次出殿門外東西  
向立典儀唱送神樂作樂止奏上鞠躬拜興拜興平身

通贊陪祀官行禮同導引官導上由中道出分獻官以次退上入御幄易常服訖禮官入奏請幸彞倫堂上升輿禮官前導由櫺星門出從太學門入諸生先分列于堂下東西學官列于諸生前駕至學官諸生跪伺駕過然後起仍前序立百官分列堂外稍上左右侍立上至彞倫堂升御座贊學官諸生行五拜叩頭禮武官都督以上文官三品以上及翰林院學士升堂執事官各以次序立贊進講祭酒司業以次升堂由東西小門入至

堂中執事官舉案于御前禮官奏請授經于講官祭酒跪受經受畢上賜講官坐祭酒乃以經置講案叩頭就西南几榻坐講上賜武官都督以上文官三品以上及翰林院學士坐皆叩頭序坐于東西諸生圜立于外以聽祭酒講畢叩頭退就本位司業進講如儀畢出堂門復位贊有制學官諸生列班俱北面跪聽宣諭畢贊行五拜叩頭禮畢學官諸生以次退先從東西小門出列于成賢街之右伺候尚膳監進茶御前上命光祿寺賜

各官茶畢各官退列于堂門外叩頭東西序立上起升輿由太學門出升輦鹵簿大樂前導樂作駕出太學門學官諸生伺駕至跪叩頭退百官常服先詣午門外伺候駕還鹵簿大樂止于午門外上御奉天門鳴鞭百官常服行慶賀禮鴻臚寺致詞云恭惟皇上敬禮先師親臨太學增光前烈丕闡鴻猷臣等欣逢盛事禮當慶賀行禮畢鳴鞭駕輿還宮百官退明日國子監祭酒率學官諸生上表謝恩上具皮弁服御奉天殿錦衣衛設丹

陞駕百官朝服侍班行禮畢上易服御奉天門禮部引  
奏賜祭酒司業學官及三氏子孫衣服諸生鈔錠畢駕  
還是日上御奉天門賜宴武官都督以上文官三品以  
上翰林院學士及祭酒司業學官三氏子孫與宴又明  
日祭酒司業率學官諸生謝恩上賜勅勉勵師生祭酒  
捧出師生迎導至太學開讀行禮如常儀再明日祭酒  
司業率學官諸生復謝恩

弘治元年定 先期致齋一日奠加幣牲用太牢改分

獻官為分奠官拜位列于陪祭官之前樂仍設而不作  
餘如成化間儀

嘉靖元年續定 駕將至陪祀官武官自都督以上文  
官三品以上翰林院官七品以上同國子監官具祭服  
伺候行禮駕至櫺星門外即降輦步入御幄易常服祭  
畢仍自御幄步出櫺星門外升輦次日襲封行聖公率  
三氏子孫國子監祭酒率學官諸生上表謝恩是日賜  
三氏子孫衍聖公等及祭酒司業宴于禮部命本部

尚書待餘如成化間儀 十二年以先師祀典既正再  
視學命大臣一員致奠啓聖公祠餘如元年儀 樂章  
視學還導駕奏御鑾歌神歡之曲臣聞古帝王受天命  
統四方宵衣旰食治道章心一誠敬感昊蒼龍翔鶴舞  
神心樂康臣民讚時皇萬歲無疆駕至奉天門升座奏  
萬歲樂朝天子之曲與朝賀同還宮奏萬歲樂與前同  
萬曆四年續定 駕至櫺星門外降輦禮部官吉服導  
上入御幄禮部奏請具服上具皮弁服訖禮部官奏請

行禮上出御幄太常寺官導上由大成門中道入盥洗  
詣廟中與嘉靖元年儀稍異餘俱同前儀次日方行慶  
賀禮襲封衍聖公率三氏子孫祭酒司業率學官諸生  
各上表謝恩先期設表案于皇極殿簷下東王門外至  
日早錦衣衛設鹵簿駕百官朝服侍班上具皮弁服御  
中極殿禮部官及各執事官行禮如常儀鴻臚寺官奏  
請升殿導駕官前導樂作升殿樂止鳴鞭傳贊排班班  
齊鴻臚寺官致詞百官行慶賀禮樂作五拜三叩頭訖

樂止分班侍立序班引衍聖公三氏等族人國子監師  
生過中贊鞠躬樂作四拜興平身樂止贊進表樂作執  
事官舉案由東王門入至簾前置定樂止贊宣表目鴻  
臚寺堂上官一員隨禮部堂上官捧表目過中內贊贊  
跪外贊亦贊跪進表官俱跪宣畢贊俯伏樂作興平身  
傳贊同樂止執事官舉案過東邊贊鞠躬樂作進表官  
俱四拜興平身樂止各入本班立鴻臚寺官奏禮畢鳴  
鞭百官退出仍于皇極門朝服侍立上易常服御門鴻

臚寺官傳奏事起案執事官舉案置御路中序班引襲  
封衍聖公等官并族人及國子監祭酒等官諸生上御  
路贊跪禮部官奏請頒賞承旨訖贊叩頭衍聖公并祭  
酒等叩頭起執事官舉案過東邊鴻臚官奏事畢鳴鞭  
上興還宮百官退是日免宴後二日儀俱同前

成化元年令取三氏子孫赴京觀禮又命衍聖公分獻  
嘉靖十二年題准衍聖公及顏孟二博士禮部先期差  
行人前去行取及另取孔氏老成族人五人顏孟族人

各二人一同馳驛赴京迎駕陪祀前期八日內閣及執事官赴國子監習儀至日習禮公侯伯俱迎駕聽講觀禮跪受宣諭班列于學官之次各衙門辦事監生俱取回迎駕聽講觀禮

### 大射

古之射禮有五國朝次第行之詔成均博士弟子及郡縣庠序之士皆使習射以俟貢舉而凡遇郊廟之祭先期命文武官執事行大射之禮其儀具後一

洪武三年定 前期戒射定耦選執事充司正副司正  
司射司射器請射舉爵收矢執旗樹鵠陳設如儀是日  
執事者入就位請射者引主射正官及各官員子弟士  
民俊秀者各就品位司射器者以弓矢置于各正官及  
司射前請射者詣正官前圓揖畢引請司射器前授弓  
矢畢引復本位司正執奠入立于中後請射者詣司射  
前曰請誘射引司射二人耦進各以三矢搘于腰帶之  
右以一矢挾于二指之間推年齒相讓年長者為上射

年幼者為下射上射先進詣射位向鵠正立發矢司正書中投奠置于中或副司正書中舉旗者舉旗如式上射射畢退立于傍讓下射者詣位發矢書中舉旗如前請射者俱引復位收矢者收矢復于射者司正取所中奠請射者次請士民俊秀射次請官員子弟射次請品卑至高品者射其就射位發矢取奠書中舉旗收矢復位皆如式俱畢司正副司正各持奠白中于主射正官舉爵者酌酒授中者如式飲訖請射請屬官以下仍捧

弓矢納于司射器還詣主射正官前揖而退

射器及執事官

工部制虎中鹿中及諸侯卿大夫射侯等器其儀按周禮大司馬之職王大射則合諸侯之耦其屬有射人掌張三侯司弓矢掌六弓八矢之法服不氏賞贊張侯以旌居之而待獲古大司馬今兵部之職也今以兵部掌之其射鵠有七虎鵠五采天子射用之熊鵠五采皇太子射用之豹鵠五采親王射用之豹鵠四采一品二品

文武官射用之繫鵠三采三品至五品文武官射用之  
孤鵠二采六品至九品文武官射用之布鵠無采文武  
官子弟及士民俊秀射用之乏又名容凡射時置于前以  
右執旗及待獲者以蔽身設幅并韋當射時置于前以  
齊矢設射中五皮樹中天子大射用之間中天子宴射  
用之虎中皇太子親王射通用之兕中一品至五品文  
武官用之鹿中六品至九品及文武官子弟士民俊秀  
通用之

其職事設司正官二員掌驅射者品級尊卑人力強弱而定耦其中否則書于算兵部官掌之司射二員掌先以強弓射鵠誘射以鼓衆氣以武職官充之司射器官二員掌辨弓力強弱分為三等驗人力強弱而授之工部官職之舉爵者二員掌以馬潼授中者飲光祿寺官職之請射者四員掌定耦射射畢再請某耦射每鵠用二人侍儀司職之待獲者掌矢納于司射器者以各隸僕供其後執旗者六人掌于容後執五色旗如射者中

先期一日鴻臚寺官設策題案于殿之東光祿寺備設  
桌于兩廡至日早禮部官引貢士入至皇極殿丹墀內  
東西北向序立文武百官各具公服侍立如常儀鴻臚  
寺官請陞殿上常服御皇極殿鳴鞭文武百官行叩頭  
禮侍班執事官舉策題案于殿中內侍官以策題付禮  
部官置于案上鴻臚寺官引貢士就拜位執事官舉策  
題案由左階降置御道中贊貢士行五拜三叩頭禮各  
分東西侍立執事官隨舉策題案于丹墀東鴻臚寺官

奏禮畢鳴鞭駕興文武百官退軍校舉試桌列于丹墀  
東西北向置定禮部官散題貢士仍列班跪受叩頭就  
試是日如遇天雨或大風試桌即移設于兩廡

讀卷儀

殿試後二日早常朝畢駕詣文華殿免日講不用侍班  
侍衛等項讀卷官各執卷隨至文華門外候上陞座傳  
讀卷官進各官趨至丹陛行叩頭禮入殿內東西序立  
傳讀卷官讀卷居首者至御前跪展卷朗讀畢司禮監

官接卷置御案本官叩頭興復班其各讀卷官以次進  
讀如儀讀三卷後臨時候旨再讀幾卷如奉旨免讀各  
官即執卷同至御前跪司禮監官以次接卷俱置御案  
各官叩頭興復班傳各官退各讀卷官出至丹陛行叩  
頭禮畢即出至文華門外候上將試卷裁定御批第一  
甲第一名第一甲第二名第一甲第三名畢其餘各卷  
發出內閣官領收上回宮是日各讀卷官先將第二甲  
第一名以下拆卷填寫黃榜

的舉紅旗應之中采舉采旗應之偏西舉白旗偏東舉青旗過于鵠舉黃旗不及鵠舉黑旗以軍士二人掌之設引禮二人掌引文武官進退命侍儀司舍人職

### 策士

凡士之舉于禮部者國初以三月朔日御殿而親試之謂之殿試後率以三月十五日間以他事更日讀卷傳臚等儀具列于後

### 殿試儀

傳臚儀

先期一日設黃榜案于中極殿內稍東至期文武百官各具朝服伺候行禮是日早鼓未鳴先開左掖門放讀卷及提調并執事官進入中極殿門外候上具皮弁服陞座各官入行叩頭禮畢進入殿內供事讀卷官拆第一卷奏第一甲第一名某人拆第二卷奏第一甲第二名某人拆第三卷奏第一甲第三名某人填寫黃榜訖尚寶司官用寶完備起鼓執事官整束黃榜翰林院官

捧出皇極殿伺候其餘讀卷提調等官俱先退出鴻臚寺官贊執事官行五拜三叩頭禮畢奏請陞殿導上陞座作堂下樂鳴鞭執事官舉案至簾前置定翰林院官捧榜授禮部官接置于案執事官引貢士入拜位贊四拜傳制官跪奏傳制俯伏興由殿左門出至丹陛東立西向執事官舉榜案至丹墀御道中置定傳制官稱有制鳴贊贊跪制曰某年三月十五日策試天下貢士第一甲賜進士及第第二甲賜進士出身第三甲賜同進

士出身第一甲第一名某人第一甲第二名某人第一  
甲第三名某人第二甲某人等若干名第三甲某人等  
若干名傳訖贊俯伏興贊四拜畢進士分東西侍立執  
事官舉案由皇極門左門出進士隨出觀榜鳴贊贊排  
班文武百官入班致詞于丹陛中跪致詞曰天開文運  
賢俊登庸禮當慶賀贊五拜三叩頭禮畢鳴鞭駕興

狀元率諸進士上表謝恩儀

先期一日鴻臚寺官設表案於皇極殿門之東至日早

錦衣衛設鹵簿駕鴻臚寺官引狀元捧表置于案退立丹墀御道稍東其諸進士以次序立上具皮弁服御中極殿執事官行叩頭禮畢鴻臚寺官奏請陞殿導駕官前導上陞座作堂下樂鳴鞭文武百官各具朝服行禮侍班如常儀鴻臚寺官引狀元及進士入班贊四拜贊進表鴻臚寺官舉表案置于殿中贊宣表目禮部官跪宣表目訖俯伏興微案狀元及進士又四拜禮畢鳴鞭

駕興

親蠶

國初無親蠶禮肅皇帝始勅禮部以每歲季春皇后親蠶于北郊後改于西苑未久即罷

嘉靖九年定 先期欽天監擇日以聞順天府具蠶母名數奏送蠶室內工部具鈎箔筐架及一應養蠶物件給送蠶母順天府將蠶種及鈎筐一副進呈訖捧自西華門出置綵輿中鼓樂送至蠶室蠶母浴種伺蠶生先飼以待先一日蠶官令丞設皇后採桑位于採桑臺東

向執鈎筐者位于稍東設公主及內命婦位于皇后位  
東設外命婦位于採桑臺東階之下南北向以西為上  
至日四更宿衛陳兵衛女樂工備樂司設監備儀仗及  
重翟車蠶宮令備鈎筐俱候于西華門外內執事女樂  
生并司贊六尚女官等皆乘車先至壇內候將明內侍  
詣坤寧宮奏請皇后請先蠶壇所皇后服常服導引女  
官導皇后出宮門乘肩輿侍衛警蹕如常儀公主及內  
命婦應入壇者各服其服以從至西華門內侍奏請降

輿陞重翟車兵衛儀仗女樂前導女官捧鈞筐行于車  
前皇后至具服殿少憩易禮服祭先蠶儀具祠祭畢更

祭司

常服司賓引外命婦先詣採桑臺位南北向女侍執鈞

筐者各隨于後尚儀入奏請詣採桑位導引女官導皇  
后至採桑位東向公主以下各就位南北向執鈞者跪

進鈞執筐者跪進筐受桑皇后採桑三條還至壇南儀  
門坐觀命婦採桑三公命婦以次取鈞採桑五條列侯  
九卿命婦以次採桑九條採訖各以筐授女侍司賓引

內命婦一人詣蠶室尚功帥執鈎筐者從尚功以桑授  
蠶母蠶母受桑縷切之以授內命婦內食婦食蠶酒一  
箇訖司賓引內命婦還尚儀前奏採桑禮畢皇后還具  
服殿俟陞座尚儀奏司賓率蠶母等行叩頭禮訖司贊  
唱班齊外命婦序列定贊四拜畢賜命婦宴于殿內外  
并賜蠶母酒食于採桑臺傍公主及內命婦殿內序坐  
外命婦從採桑者及文武二品以上命婦于殿堂上三  
品以下于臺下各序坐尚食進膳司賓引公主及內命

婦各就坐教坊司女樂奏樂進酒及進膳進湯如儀宴畢撤案公主以下及外命婦各就班司贊贊四拜尚儀跪奏禮畢皇后興還宮導從如前

親蠶壇宜築于安定門外皇后率公主及內外命婦躬往採桑而擇內西苑隙地蓋造織堂以終蠶事十年以出入不便改築壇于西苑壇高二尺六寸四出陛廣六尺四寸甃以磚石又為瘞坎于壇右方深取足容物東為採桑臺方一丈四寸高二尺四寸三出陛鋪甃如壇制

臺左右樹以桑壇東為具服殿三間前為間一座俱南向西為神庫神厨各三間右宰牲亭一座壇之北為蠶室五間南向前為門三座高廣有差左右為廂房各五間之後為從室各十間以居蠶婦設蠶公署于宮左偏置蠶宮令一員丞二員擇內臣謹恪者為之以督蠶桑等務

禮部志稿卷十三